



U NASTAVKU AKCIJA "CORAL" I "TANGO" UHAPŠENE TRI OSOBE

I sudski vještak završio iza rešetaka

D.TOVILOVIĆ

SARAJEVO - Pripadnici Državne agencije za bezbjednost i zaštitu (SIPA) BiH uhapsili su Nermana Čehu (34), Dragana Koledina (67) i Seida Fetića (24) u nastavku akcija "Coral" i "Tango".

Čehu i Koledina terete da su izvršili krivično djelo organizovanog kriminala i poreske utaje pružajući knjigovodstvene i informatičke usluge privrednom društvu "Holiday Resort" Sarajevo, dok Fetića terete za krivično djelo navođenja na prostituciju.

Kantonarno tužilaštvo u Sarajevu osnovano sumnja da je Čeho kao ovlašteni knjigovoda agencije lažnim prikazivanjem činjenica i podataka pomogao pri utaji poreza, a da je Koledin instaliranjem softverskog programa omogućio poresku utaju. Čeho, inače vlasnik knjigovodstvene agencije, je i sudski vje-

štak.

"Osobe lišene slobode privedene su u službene prostorije SIPA, gdje se nad njima vrši kriminalistička obrada, nakon čega će biti predate na dalje postupanje Kantonarnom tužilaštvu Kantona Sarajevo", rečeno je u SIPA.

TERETE IH ZA UTAJU POREZA I NAVOĐENJE NA PROSTITUCIJU

Podsjećamno, akcije "Coral" i "Tango" počele su u oktobru prošle godine kada su pretreseni objekti na deset lokacija na području Sarajeva, a uhapšeno 15 osoba. Tada je uhapšen i Alen Čengić, vlasnik hotela "Holiday Resort" i restorana "Park prinčeva", a koji je obilježen kao vođa kriminalne grupe.